

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (29022024) / (80)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«29» փետրվարի 2024թ.
(ամսաթիվը)

Սիսիան-Երևան մայրուղու 7-րդ կմ
(կազմման վայրը)

Ես՝ ՀՀ պետական եկամուտների կոմիտեի
Հարավային մաքսատուն-վարչության
(ստորաբաժանման անվանումը)

ղեկավար Արտաշես Ղամբարյանս, քննելով՝ «ԱՐՏՄԱՐԿՈ» ՍՊԸ-ի մաքսային
ձևակերպումների մասնագետ Լիլիթ Հարությունյանի (նույն. քարտ՝ 013447115,
էլեկտրոնային հասցե՝ artmarkobroquer@gmail.com)

(քննվող անձի անվանումը, կազմակերպարավական տեսակը, ՀՎՀՀ, պետական գրանցման/ընկալության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՄՎ ՄԳ բաժնի գլխավոր մաքսային տեսուչի կողմից իրականացված
փաստաթղթային հսկողության արդյունքում պարզվել է, որ «ԱՐՏՄԱՐԿՈ» ՍՊԸ-ի
մաքսային ձևակերպումների մասնագետ Լիլիթ Հարությունյանի կողմից 2024
թվականի հունվարի 09-ին «Խուստուսի Էֆ Էմ» ՍՊԸ-ի անվամբ ներկայացված թիվ

05100040/090124/0000083 ապրանքների հայտարարագրի 31-րդ սյունակում ապրանքի նկարագրությունը ներկայացվել է ոչ ճշգրիտ, մասնավորապես նշվել է՝ «ՇԻՆԱՐԱՐԱԿԱՆ ԿԱՂԱՊԱՐԱՄԱԾՆԵՐ ԻՐ ԱՄՐԱԿԱՅԻՆ ԴԵՏԱԼՆԵՐՈՎ, ՀԵՆԱՍՅՈՒՆԵՐՈՎ ԼՐԱԿԱԶՄ, ՔԱՆԴՎԱԾ», սակայն տվյալ ապրանքի մանրամասն նկարագիրը պետք է նշվեր «ՍԵՎ ՄԵՏԱՂԱԿԱՆ ՇԻՆԱՐԱՐԱԿԱՆ ԿԱՂԱՊԱՐԱՄԱԾՆԵՐ ԻՐ ԱՄՐԱԿԱՅԻՆ ԴԵՏԱԼՆԵՐՈՎ, ՈՉ ՑԻՆԿԱՊԱՏ ՔԱՆԴՎԱԾ ՎԻՃԱԿՈՒՄ, ԼՐԱԿԱԶՄ», ինչպես նաև 36-րդ սյունակում չի նշել «IP», որի արդյունքում չի կիրառվել ԵԱՏՄ-ի բանաձևակալոր համաձայնագրի շրջանակներում նախատեսված մաքսատուրքի արտոնությունը: Վերոնշյալ ոչ ճշգրիտ տեղեկությունները ներկայացնելու արդյունքում մաքսային վճարների պակաս հաշվարկում չի առաջացել:

Փաստի առթիվ 10.01.2024 թվականին ՀՀ ՊԵԿ ՀՄՎ ՄԳ բաժնի գլխավոր մաքսային տեսուչի կողմից «ԱՐՏՄԱՐԿՈ» ՍՊԸ-ի մաքսային ձևակերպումների մասնագետ Լիլիթ Հարությունյանի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ, այն է՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը»:

ԵՏՀ հանձնաժողովի 20.05.2010 թվականի թիվ 257 որոշման 29-րդ կետի 1-ին պարբերության համաձայն՝ «31-րդ սյունակում նշվում են հայտարարագրվող ապրանքի մասին այն տեղեկությունները, որոնք անհրաժեշտ են մաքսային և այլ վճարների հաշվարկման և գանձման համար, որոնց գանձումը վերապահված է մաքսային մարմիններին, ներքին շուկայի պաշտպանության միջոցների կիրառումն արգելքների ու սահմանափակումների կիրառումն ապահովելու, մաքսային մարմինների կողմից մտավոր սեփականության օբյեկտների նկատմամբ իրավունքների պաշտպանությանն ուղղված միջոցներ ընդունելու, նույնականացման,

ԵԱՏՄ ԱՏԳ ԱԱ-ին համապատասխան դասակարգման մեկ տասանիշ ծածկագրին դասելու համար, ինչպես նաև բեռնատեղիների մասին»:

«36-րդ սյունակում ըստ մաքսային վճարի յուրաքանչյուր տեսակի, նշվում է համապատասխան ծածկագիրը՝ մաքսային վճարների վճարման արտոնությունների դասակարգչին համապատասխան՝ ըստ ստորև բերված սխեմայի՝

1-ին տարր՝ ըստ մաքսավճարների.

2-րդ տարր՝ ըստ մաքսատուրքի.

3-րդ տարր՝ ըստ ակցիզի (ակցիզների).

4-րդ տարր՝ ըստ ավելացված արժեքի հարկի: Եթե հայտարարագրվող ապրանքների համար մաքսային վճարի դրույքաչափը սահմանված չէ, կամ այլ դեպքերում, երբ մաքսային վճարի պարտավորություն չի առաջանում, մաքսային վճարի տվյալ տեսակին համապատասխանող տարրի յուրաքանչյուր կարգում նշվում է»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 316-րդ հոդվածի 1-ին մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների

կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշների/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

«ԱՐՏՄԱՐԿՈ» ՍՊԸ-ի մաքսային ձևակերպումների մասնագետ Լիլիթ Հարությունյանը էլեկտրոնային փոստով պատշաճ ծանուցվել է գործի քննության օրվա և ժամի մասին, սակայն չի ներկայացել գործի քննությանը, և այն իրականացվել է իր բացակայությամբ:

«Մաքսային կարգավորման մասին» ՀՀ օրենքի 316-րդ հոդվածի 2-րդ մասի համաձայն՝ «Սույն հոդվածի 1-ին մասով սահմանված արարքը մեկ տարվա ընթացքում կրկին կատարելը՝ առաջացնում է տուգանք՝ տասը հազար դրամի չափով»:

Հաշվի առնելով այն հանգամանքը, որ «ԱՐՏՄԱՐԿՈ» ՍՊԸ-ի մաքսային ձևակերպումների մասնագետ Լիլիթ Հարությունյանը ՀՀ ՊԵԿ Հարավային մաքսատուն-վարչության պետի թիվ (05100040)/(25012024)/(35) որոշմամբ «Մաքսային կարգավորման մասին» ՀՀ օրենքի 316-րդ հոդվածի 1-ին մասով նախազգուշացվել է, հետևաբար այս դեպքով կիրառելի է «Մաքսային կարգավորման մասին» ՀՀ օրենքի 316-րդ հոդվածի 2-րդ մասը:

Հիմք ընդունելով «Մաքսային կարգավորման մասին» ՀՀ օրենքի 316-րդ հոդվածի 2-րդ մասով, 322-րդ, 334-րդ հոդվածներով՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. «ԱՐՏՄԱՐԿՈ» ՍՊԸ-ի մաքսային ձևակերպումների մասնագետ Լիլիթ Հարությունյանին «Մաքսային կարգավորման մասին» ՀՀ օրենքի 316-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության և տուգանել **10000** ՀՀ դրամի չափով:

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մաքսատուն-վարչություն
(ստորաբաժանման անվանումը)

ղեկավար՝ Արտաշես Ղամբարյան
(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի ներկայացուցչի անունը, ազգանունը, հայրանունը և լիազորությունը հաստատող փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2024թ.

Ծանոթություն. Սույն որոշմամբ նշանակված տույժի գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կապարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: